

1214 թվականից մինչև 1219, հետո գնացել է Հառիճավանք, այնտեղից նորից վերադարձել է 1227 թվին և շարունակել առաջնորդությունը մինչև 1234 թվականը:

2. Անսովոր են և դժվար հասկանալի նվիրարբերության առարկաները, որոնք երեքն են:



Նկ. 41. Արձ. № 49:

ա. Մուսխ մարգարէին որդին իւր օգուտովն ու հնասովը,

բ. Տասը օրավար լավ աղբին հող, որ ազատ է ամեն տեսակ հարկերից,

գ. Մուսխն իր տներով, որպեսզի կոտի հողը բանեցնի և արգաւնից հաշվին աղ բերէ:

Նվերներից երկրորդը, որ տասն օրավար հող է, հասկանալի է և միանգամայն սովորական վիճական արձանագրությունների համար, իսկ առաջինը՝ Մուսխ մարգարէի որդին և երրորդը՝ Մուսխը, անսովոր են. Այստեղ, եթե Մուսխ մարգարեն համարենք անձնանուն, պետք է ասենք, որ դա խիստ անսովոր ձև է, որովհետև հայերենում երկանուն անձնանունների գրեթե չկան, բայց Մուսխ մարգարեի որդին այնուամենայնիվ անձնանուն է և երբեք տեղանուն չի դառնա, և այդ մարդը նվիրել են վանքին հավանաբար իբրև շինական: Այդ բանն ավելի լավ է պարզվում երրորդ նվիրի միջոցով, որ Մուսխն ինքն է, հավանաբար, վերեվում հիշատակված Մուսխ մարգարեն: Սա իր տներով միասին նվիրարբերվել է վանքին, որպեսզի կոտի հողերը բանեցնեն (մշակեն) և ինչոր մեկի կամ մի բանի (Արգաւնին) հաշվին աղ բերեն:

Եթե այստեղ լավ չի պարզվում, թե Մուսխը որտեղից և ում հաշվին է աղ բերելու վանքին, բայց միանգամայն պարզ է, որ նա նվիրարբերվել է Վասակի և Խաթունի կողմից Սանահնի վանքին, որպեսզի մշակի կոտի հողերը:

3. 8-րդ առդի վերջի և 9-րդի սկզբի նոցա այլ գրին յետ և Քուրդաշահին հոգոյն: Պետք է հասկանալ, որ ամեն ուրրաթ օր կատարվող ժամերգությունը ոչ միայն Քուրդաշահին է՝ նվիրատու Վասակի և Խաթունի սրբուն, այլև նոցա այլ գրի — նրանց (Վասակի և Խաթունի) էլ են գրել (հասկացրել):